

IIau CONCORDS

TICTÒC

en Aranés



Conselh Generau d'Aran

## PRÈMIS

### INDIVIDUAU

CATEGORIA A: ENTÀ JOENI DE 14 A 18 ANS

CATEGORIA B: PERSONES A COMPDAR DE 19 ANS

Prumèr prèmi 400 €

2au prèmi: 200 €

Accèssit: 100 €

### GROPS

CATEGORIA A: ENTÀ JOENI DE 14 A 18 ANS

CATEGORIA B: PERSONES A COMPDAR DE 19 ANS

Prumèr prèmi 600 €

2au prèmi: 300 €

Accèssit: 150 €

+ info

<https://aran.es.conselharan.org/>

@en.aranes

[lengua@aran.org](mailto:lengua@aran.org)

☎ 973 64 18 01

Conselh Generau d'Aran

Plaça d'Aran 1, 1-2 • 25530 Vielha



Conselh Generau d'Aran

EN  
ARANÉS

# BASES DETH CONCORS DE TICTÒC EN ARANÈS

## 2au Edicion

### 1. Objectius

Eth Concors de TicTòc en aranés deth Conselh Generau d'Aran a coma finalitat:

- Promòir er usatge der aranés entre es personas que creen contengut enes hilats sociaus e ac vòlen hèr ena nòsta lengua.
- Estimular era sua creativitat e eth sòn talent.
- Conéisher eth sòn punt d'enguarda sus tèmes dera societad actua e promòir era reflexion..

### 2. Participacion e categories

Era participacion ei dubèrta as personas qu'agen mès de 14 ans.

- **Categoria A:** entà joeni de 14 a 18 ans.
- **Categoria B:** personas a compdar de 19 ans.

En cada categoria i pòt auer iniciatives individuas e collectives.

### 3. Inscripcions

1. S'abilitaràn **formularis oficials d'inscripcion** entà candidatures individuas e en grop.
2. S'abilitarà tanben un **formulari de participacion entà personas menors d'edat** damb autorizacion signada pes pairs/mairs/tutors legaus.
3. Es formularis se pòiràn descargar a traùs dera web [aran.es.conselharan.org](http://aran.es.conselharan.org) e s'auràn d'enviar completats e signats tath corrèu [lengua@aran.org](mailto:lengua@aran.org) indicant en ahèr "**Inscripcion Concors Tictòc 2026**".
4. Un còp hèta era inscripcion, es personas participantes auràn enquiath **27 d'abriu de 2026** entà presentar es sues òbres.

### 4. Terme de presentacion

Era data limit de presentacion des trebalhs serà eth **27 d'abriu de 2026 entàs 14.30 ores**.

### 5. Presentacion des òbres

- Es personas participantes pòiràn presentar, coma maxim, **ua òbra de forma individuau e ua de forma collectiva**.
- En cas des grops formadi per personas de diferents edats, era categoria de participacion se determinarà en foncion dera edat en qué se tròbe era majoria des sòns integrants.
- Toti es videos auràn d'èster **sostitoladi en aranés**.
- Es sostitols deth video s'auràn d'enviar prèviaments, abans d'èster incorporadi ath video, tath corrèu [lengua@aran.org](mailto:lengua@aran.org) entara sua revision lingüistica per part deth Departament de Cultura e Lengua deth Conselh Generau d'Aran. Sonque dempús d'auer recebut era sua validacion, pòiràn incorporar-se ath video.
- Es videos presentadi auràn d'èster originaus, inedit e pròpris, e non pòiràn èster publicadi enes hilats sociaus ne difonudi en cap aute mejan enquiara publicacion oficiala per part deth Conselh Generau d'Aran.

### 6. Requisits des TicTòcs

- Proposam era creacion de videos a traùs dera plataforma TikTok, de **tematica liura**.
- Cau qu'es videos presentadi agen **qualitat a nivèu lingüistic**.
- Tanben cau que siguen coerents e difonen valors positives. Non s'admeteràn videos ofensius o qu'atempten contra es drets de tresaus personas o collectius.
- Er estil ei liure: pòt includir-se umor, interpretacion musicau (balh, cant, efèctes especiaus, màgia, etc) e quinsevolh auta prepausa que fomenta era creativitat.
- Es videos an d'èster gravadi en **disposicion verticau**.
- Es videos se pòden remèter en wetransfer, Drive en format mp4, mpg2...

- Se permet er emplec dera **Intelligéncia Artificiala (IA)** coma esturment de suport **en fases concretes deth procès tecnic** des cuertmetratges (efèctes especiaus, generacion d'elements grafics puntuaus, animacion...), mès non s'admeteràn òbres creades integrauments damb IA. Es personas participantes qu'empleguen aquest esturment **ac auràn de hèr a constar** en moment de liurar eth cuertmetratge, especificant er emplec que n'an hèt e era sua finalitat.
- Es personas participantes manifestèn compdar damb es autorizacions pertinentes de personas o entitats propietaries de dret sus es diferenti elements qu'apareishen ena òbra presentada: musica, imatges, grafisme, etc.

### 7. Jurat e seleccion des TicTòc ganhadors

Eth jurat serà compausat per personas der encastre audiovisuau e culturau. S'avalorarà er atractiu deth video en sòn conjunt, autant ena forma coma en contengut, auent en compde era originalitat, creativitat, claretat e interès deth messatge.

Era composicion deth jurat e eth sòn veredicta se haràn a conéisher en ua serada de liurament de prèmis laguens des actes dera Hèsta d'Aran e tad aguesta serada i auràn d'assistir es personas participantes qu'agen collaborat ena realizacion des videos, sustot s'an resultat ganhadores. En cas de qu'es ganhadors/es des prèmis non poguen assistir tad aguesta serada de liurament de prèmis, auràn de cercar a quaquarrés que pogue representar-les e recuèlher eth prèmi. Es TicTòcs ganhadors se presentaràn ena serada e se penjaran enes hilats sociaus deth CGA.

### 8. Prèmis

- S'establiràn 3 prèmis tàs videos mès avaloradi peth Jurat en cada categoria e se tieràn en compde es següents requisits:
  - ▶ **Categoria A e B, Individuau:**
    - 1èr Prèmi: 400 €
    - 2au Prèmi: 200 €
    - Accèssit: 100 €
  - ▶ **Categoria A e B, Grops:**
    - 1èr Prèmi: 600 €
    - 2au Prèmi: 300 €
    - Accèssit: 150 €
- Eth veredicta deth jurat ei inapellable. Eth jurat pòt declarar desèrt quinsevolh des prèmis se considèra qu'ès òbres presentades non son pro meritòries.
- Eth jurat pòt declarar dus ganhadors/es ex aequo s'atau ac considèra. En aquest cas, eth prèmi economic assignat s'aurà de repartir entre es dus ganhadors/es.

### 9. Difusion

Un còp verificat qu'eth video complis es bases s'anaràn penjant en perfil oficial [@tiktoc.aran.es](https://www.tiktoc.aran.es) e s'etiquetarà ar autor/es.

Eth Conselh Generau d'Aran poderà exhibir es videos seleccionadi enes lòcs e oraris que considèra oportuns e en Internet, respectant tostemp era autoria. Tanben se'n poderà hèr difusion enes mieis de comunicacion.

### 10. Pagament des prèmis

Eth pagament deth prèmi se realizarà mejançant transferéncia bancària tath numèro de compde qu'eth/era ganhador/a, ganhadors/es o eth sòn tutor o representant legau designe en formulari qu'obligatòriament s'aurà d'aumplir e liurar, validat pera entitat bancària, ara organizacion deth concors.

En cas des prèmis gropaus, s'es participants vòlen crubar individuament era sua part corresponenta, auràn de ramplir eth formulari de crubament des prèmis tàs grops, que se pòirà descargar ena web [aran.es](http://aran.es), amassa damb eth certificat de titularitat bancària.

As prèmis superiors a 300 € se les aplicaràn es retencions fiscaus en vigor.